



Ministru Administrasaun Estatal, DR. Miguel de Carvalho Asina Plaka simbolu inaugurasaun projetu PNDS iha Postu Lacro, Munisipiu Manatuto.

Ministru Administrasaun Estatal no Ministru Edukasaun Joventude no Desportu Akompanha Husi Embaixador Australia Oficialmente Inaugura Escola Baziku Filial (EBF) Cara

Konstrusaun Escola Baziku Filial (EBF), suku Lacu-Mesac postu Administrasaun Lacro, Munisipiu Manatuto ho Orsamentu husi Governu ne'ebé aloka liu husi Programa Nasional Dezenvolvimentu Suku (PNDS). Konstrusaun ne'e ofialmente inaugura husi Ministru Administrasaun Estatal no ministru Edukasaun Joventude no Desportu ne'ebé akompanha husi Embaixador Australia, Adminitrador Munisipiu Manatuto no asiste husi comunidade suku Lacu-Mesac, Atividade inaugurasaun ne'e hala'o iha lora 10/07/2020.

Konstrusaun Escola Baziku Filial (EBF) Cara, suku Lacu-Mesac hanesan preokupasaun bo'ot ida ba Inan no Aman liu-liu estudante Escola Baziku Filial (EBF) Cara, iha suku Lacu-Mesac ne'ebé durante ne'e estudante sira uja sala escola ne'ebe diding ho deit piku hodi hala'o prosesu aprendizajen iha escola refere. Implementasaun ba Konstrusaun Programa Nasional Dezenvolvimentu Suku iha suku Lacu-Mesac ne'ebe implementa husi ekipa jestaun suku no comunidade hamutuk projeitu 6 mak hanesan Konstrusaun Rezidencia ba Profesores Escola Báziku Central (EBC) iha Remanaru, Konstrusaun Escola Baziku Filial (EBF) Cara, Konstrusaun Be'e Kanu/Kanu Distribusaun iha Condar, Konstrusaun Sistema Be'e Mos Gravitasau iha Ilimano, Konstrusaun Lutu Escola Baziku Filial (EBF) iha Bua, no Konstrusaun Klinika Maternidade iha Mantane, total Orsamentu ba projeitu 6 ne'e hamutuk \$161,327.95 ho Gastu \$154,203.52 no Balansu \$7,124.43.

Ministru Administrasaun Estatal Dr. Miguel Pereira de Carvalho iha nia intervensaun espresa sentimentu kontenti tebes ba konvite ne'ebé mai husi comunidade suku Lacu-Mesac hodi inaugura Escola Báziku Filial (EBF) Cara ne'ebé konstrui husi PNDS. Ministru reafirma PNDS hanesan bebe ida ne'ebé uluk nia rasik mak inisia hamutuk ho kolega sira seluk iha tinan 2011 to ohin lora sei moris no bot liu tan, nune'e ministru apela ba comunidade sira atu tau matan no kuida obra ne'ebé iha tiha ona hodi bele uja ba iha tinan naruk.

Enkontru Steering Committee Hanesan Diretivas/Orientasaun ba Utilizasaun Fundos Ne'ebe mai Husi Governo Australia Durante Pedemia

Steering Committee Ne'ebe Kompostu husi Ministeriu Administrasaun Estatal, Ministerio das Financas no Ministerio Negosio Estrangeiro no Kopersaun, Embaixada Australia. hala'o Enkontru iha salaun Enkontru Ministerio Financas Level 9, Dili; 09/07/2020. Deside Mata dalan Implementasaun Fundos ne'ebe hetan apoio husi Governo Australia iha situasaun pandemia COVID-19.

Steering Committee ne'e koalia liu konaba apoiu finanseiru ne'ebe maka sei halo transferensia direita ba konta bankaria suku sira ne'ebe maka maka sai beneficiariu hodi implementa aktividade ou projetu ne'ebe ho eskala ki'ik nu'ne bele haforsa no rekopera ekonomia comunidade liu husi implementasaun atividade refere.

Husi atividade sira ne'ebe maka hetan ona konkordansia entre Governu Timor-Leste no Governu Australia maka ekipa PNDS Nasional, Munisipiu no Postu Administrative inklui husi PARTISIPA sei fo apoio tekniko ba comunidade hodi garante no aseguar qualidade, transparansia no benefesia direita ba comunidade.

Entretanto Steering Committee ne'ebe maka envolve linha ministeriais sira hanesan Ministeriu Administrasaun Estatal, Ministerio das Financas no Ministerio Negosio Estrangeiro no Kopersaun Embaixada Australia deside hodi fo diretivas ka orientasaun ba grupo trabalho nu'ne Sekretariado PNDS nudar implementador programa ba lalaok no operaun programa ne'e rasik.

PNDS

Hamutuk Ita
Dezenvolve Nasaun

Julho 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Remata Ona

Faze 2 Siklu 2 : Remata Ona


Faze 3 Siklu 2 : Iha Etapa 11 no 12

(Sertifikasaun Final no Akontabilidade Final)




Konstrusaun

Faze II Siklu 2



Faze III Siklu 2



Presidente Autoridade Munisípiu Ermera Inaugura Rehabilitasaun Estrada Rurais Betaun iha Aldeia Borohei Suku Humboe

Rehabilitasaun Estrada ne'e konstrui ho orsamentu ne'ebé aloka liu husi programa PNDS faze 3 Siklus 2, iha suku Humboe, Munisípiu Ermera, estrada refere finaliza ona no hetan inaugurasaun husi Presidente Autoridade Munisípiu Ermera Jose Martinho, iha sesta feira 03/07/2020.

Iha intervensaun Presidente Autoridade Munisípiu Ermera, Jose Martinho orgulhu no agradese tanba governu liu husi PNDS bele halo saida mak nia bele deminui difikuldades ne'ebe komunidade enfrenta, nudar exemplu kik ida mak estrada ne'ebé ita halo ona liu husi Programa Nasionál Dezenvolvimentu Suku ne'ebé konstrui estrada rurais betaun ne'e ho kualidade ne'ebé diak, rejultadu ne'e hatudu katak ekipa sira iha iha vontade ne'ebé diak no servisu makas hodi konstrui estrada rurais hodi dezenvolve sira nia Suku.

Presidente Autoridade Munisípiu Ermera hateten Dezenvolvimentu sei lao nafatin, komunidade sira presija asesu estrada husi aldeia to Munisípiu ho programa Nasionál Dezenvolvimentu Suku fo lisaun lubuk ida ba komunidade atu iha kapasidade organizativa hodi hakbi'it komunidade liu husi sira nia partisipasaun iha prosesu Dezenvolvimentu iha Nivel Suku. servisu ida ne'e nudar parte ida husi projeitu komunitaria ne'ebé PNDS hala'o iha suku hotu-hotu inklui suku Humboe.



Treinamentu Resiklajen Manual Operasaun Programa (POM) Hametin liu tan Servisu Hamutuk Entre FST no PNDS Munisípiu

PNDS hanesan programa nasional governo nian ne'ebe' mak komesa ho nia aktividade pilotu iha tinan 2013 atravesa iha V Governo Konstitusional nia mandatu liu husi rezolusaun 01/2012 Janeiro 2012 ne'ebe' permite governo atu fo opurtunidade ba suku atu hakbi'it komunidade sira, Chefe suku no konselu suku hodi deside, planea no ejekuta rasik subsidiu mak governo koloka. Husi kedas neba'a Governo Australia liu husi nia programa Fundu Dezenvolvimentu humanitario ka AUSAID halo kedas nia intervensaun hodi suporta PNDS liu husi akordu Bilateral nasaun rua. Komesa ho implementasaun piloto to agora PNDS konsege atrai entidades barak nia atensaun ne'e indika husi partes barak nia persepsaun mai PNDS, hahu husi komunidade sira iha nivel suku to iha Politik sira iha Parlamentu Nasionál, ne'ebe' sempre tau fundu ba PNDS iha Orsamentu Geral do Estado kada tinan. iha intervensaun Adjuntu Administrador Munisípiu Dili, Zeca Smith ba sesaun abertu resiklajen MOP ne'e hato'o nia obrigado wain ba servisu parseria mak Governo Australia halo liu husi PARTISPA no kontinua husu apoio ba PARTISPA hodi tau mos Asesor ida iha Munisípiu Dili relasaun ho politika descentralizasaun. Baseia ba orario implementasun resiklajen MOP treinamentu sesaun hahu'u ho apresentasaun Sosial, maibe munisípiu Dili komesa ho apresentasaun materia Finansas, hanesan pesoal nebe'e apresentasaun sesaun dahuluk sente orgulhu tebes hodi komesa sesaun resiklajen MOP training inklui komesa mos relasaun servisu hamutuk entre FST no PNDS municipio Dili.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

